

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Johannis Segeri Weidenfeld De Secretis Adeptorum Sive Usu Spiritus Vini Lulliani Libri IV**

**Weidenfeld, Johann S.**

**Londini, 1684**

94. Spiritus Vitrioli cum spiritu vini mixtus Lullii

[urn:nbn:de:bsz:31-96282](https://nbn-resolving.org/urn:nbn:de:bsz:31-96282)

XIX. GENUS.

*Menstrua mineralia composita ex spiritu Vini philosophorum, & spiritibus acidis tingentibus, spiritu Vitrioli, Butyro Antimonii, &c.*

94. Spiritus Vitrioli cum spiritu vini mixtus Lullii,  
*Epist. accurtatoria, pag. 327.*

**S**piritus Vitrioli est magis siccus & grossus quam spiritus quintæ Essentiæ aquæ ardentis, & magna est concordantia inter spiritum Vitrioli & naturam Auri, quia ambo ex iisdem principiis cum mineralibus trahunt originem. Idè spiritus Vitrioli conjunctus spiritui aquæ ardentis inspissat eum, & eum citò adharere facit Auro, ut secum fixetur, & crede mihi quod hæc curtatio est præexcellens.

Annotationes.

**I**nter menstrua mineralia simplicia & composita hæc noteris differentiam; simplicia dissolvunt tantum; composita verò & dissolvunt & tingunt dissoluta. Rebus enim tingentibus mirum in modum exaltantur, & pluribus gradibus meliora fiunt, ita ut sint non sibi tantum sed etiam aliis sufficientia; unde merito dicantur aquæ tam graduatæ quam graduatoræ. De simplicibus modo egimus hætenus, in hoc decimo novo genere examinanda veniunt composita ex duobus spiritibus oleoso & Acido tingente, uti in recepto præscripto ex vini phil. & Vitrioli spiritibus invicem permixtis, & destillando bis vel ter intimè conjunctis. Præparatio est

est levissima, in qua tamen unicum hoc ut observetis non abs re foret: Quod ambo spiritus sunt absque phlegmate, optimèque re-  
 etificati juxta sequentis Anonymi monitum. Ex vino extrahitur  
 oleitas urens, ergo participat cum sulphure, & huic inest verè  
 maxima virtus naturæ metallicæ quam ex terra traxit & conce-  
 pit. Et sicut illa oleitas velut isti spiritus agiliores sunt multùm  
 quàm cæterarum rerum; ideò virtutes eorum sunt multùm agi-  
 liores quàm cæterorum. Sed tamen sciendum quod isti spiritus  
 sicut *Textus Alchymiaë dicit*, & est veritas, qui veniunt ex ve-  
 getabilibus & animalibus rebus non conducant ad Alchymiam,  
 existentes in natura vegetabili; sed requiritur ut per multipli-  
 cem depurationem & destillationem perveniant in naturam me-  
 tallicam, & tandèm deserviunt ei. Ergo est tantùm unus lapis  
 & unum fundamentum necessarium arti; videlicet virtus me-  
 tallica, quamvis interdum recipiantur vegetabiles & animales  
 res, tamen non remanent in natura vegetabili vel animali, sed  
 transmutantur in naturam metallicam & sulphuream, quæ con-  
 tinet vim metallicam. Propterea dicebat *Ferrariensis cap. 20.*  
*suarum quæstionum*, impossibile est coagulare argentum vivum  
 absque sulphure vel alia re, sulphuream naturam non habente,  
 quia sulphur est coagulamentum argenti vivi, & si vino insunt  
 sulphureitates, cum sit urens, igitur ipsi inest natura metalli-  
 ca. Propter hoc sunt aliqui laborantes in Vino & Auro vel Ar-  
 gento, sic ut ex vino trahant spiritum ejus agillimum, confor-  
 tantes cum eo virtutem auri, ita ut spiritus cum illo figantur per  
 quos consequenter dilatatur & multiplicatur tinctura auri, &  
 pro certo inter spiritus vini, & spiritus auri est maxima conve-  
 nientia seu participatio, cum utrobique sint naturæ calidæ,  
 igitur spiritus vini inseparabiliter figuntur cum auro. Sed ta-  
 men notandum, quòd spiritus mediorum metallorum, scilicet vi-  
 trioli, &c. sunt grossioris fixationis, & majoris convenientiæ  
 cum auro, cum quasi ex uno oriantur, utpotè ex mineris me-  
 tallorum, quàm spiritus vini qui veniunt ex vegetabili natura;  
 quamvis spiritus vini sunt agiliores & subtiliores. Ideò aliqui  
 componunt spiritus illorum, sic ut spiritus vitrioli conjungan-  
 tur spiritibus vini, ita ut unum ingrossetur cum altero & sint  
 auro unibiliores. Sed tamen requiritur illi, qui in his vult la-  
 borare, ut recipiat spiritus fortissimos & res purissimas, sic ut  
 spiritus antequàm cum auro vel argento figuntur optimè purifi-  
 centur.

centur. *Anonym. de principiis naturæ & arte Alchym. pag. 30. Syntagm. Harmoniæ Rhenani.*

*Non spiritus Vitrioli rectificatus tantum, sed omnis acidus hic prodest, modo sit tingens & commisceatur vini philosophici spiritui, ut ejusdem generis inde fiat menstruum. Ita conficitur*

95. Butyrum Antimonii cum spiritu vini mixtum Basili, ✓

*Pag. 88. Currus triumphalis Antim.*

Rx. **M**ercurii vulgaris purissimè sublimati, antimonii, ana partes æquales, trita & mixta destilla per retortam, quæ spiritus retinet tribus vicibus; rectifica hoc oleum cum spiritu vini (*phil.*) & est paratum, & sanguinei coloris, ab initio erat album, & coalescit sicut glacies aut butyrum fusum. Hoc oleum multa mira peregit quæ alioquin natura vix permetteret credi emendari posse, sed tamen semper virtus, facultas & operatio ejus apparuit ex malo faciens bonum.

*Hoc compositum licet à Basilio detur ut medicamentum, non ceu menstruum, attamen apud Paracelsum in libro de gradationibus ut tale describitur.*

96. Aqua quartæ gradationis Paracelsi, ✓

*Libro de gradationibus, Pag. 131.*

Rx. **A**ntimonii libram unam, mercurii sublimati libram semis, destillentur ambo simul igne violento per alembicum, & ascendet rubedo quædam instar sanguinis spissa, quæ tingit & graduat unamquamque lunam in solem, & hunc pallidum ad supremam gradum coloris adducit permanentis.

Kk

Quam.